



Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1838

XIX. Die Stadt Putlitz bezeugt, daß Caspar Gans, Herr zu Putlitz, seine Herrschaft von den Mecklenburgischen Herzögen zu Lehn empfangen habe, im J. 1409.

[urn:nbn:de:hbz:466:1-54294](https://nbn-resolving.org/urn:nbn:de:hbz:466:1-54294)

brecht und Hertegen Johanni. Hertogen Albrechte und Hertogen Magno, eren Sons vorbenomd, unde alle eren Erven unde alle eren Nakomelingen yn dissen Breve. Hir sind ane und over weset Her wipert luzowe Mariscalck, Her Otto Veregge, Her Gherd Negendanck, Her Henrik Reventlowe, Her Hel-mold van Plefsen van lubetze, Ridder, Hartich van Bulowe, Henrik Rave und Woldemar Molteke, Knapen, Her Hemming Schlaglofs, Kerkher to Gadebusch, und Her Johann Roggentin, Kerkher to Sunte Jürgen to der Wismar, und vele anner Ridder und Knechte, de Lowen und Tuges wertlich sint. Des to höger Tugnise und mehrer bekentnisse hebbe wy Jaspas Ganze vorbenomt unse Ingefegel wiliken hengen laten vor dessen Bref, de geven und Schreven is to Zwerin na Godes Bort Verteinhundert Jahr an deme Nāgenden Jahre, darna an Sunte Johannis Evangeliste dage yn deme Winachten.

Nach Spener a. a. D. S. 469.

XIX. Die Stadt Puttitz bezeugt, daß Caspar Gans, Herr zu Puttitz, seine Herrschaft von den Mecklenburgischen Herzögen zu Lehn empfangen habe, im J. 1409.

Wy Raetmanne und de gantze Menheit der Statt to Potlest bekennen und betügen apenbar in dessen gegenwardigen Breve, dat uns wittlich is, dat de eddeln Mann, unse leve Here Jasper, geheten Ghans, Here to Potlest, hefft to enem rechten Lene entpfangen, als een truwe Mann van sinem rechten Heren, de gantze Herfchop to Potlest unde dat halve Land, dat darto ligt, van den dorchluchtigen fürsten unde Herren, Herren Albrechte, der Schweden und der Goten Könige, und Hern Johanne, Hertogen to Mecelenborg, Greven to Zwerin, to Stargard und to Rostock Heren, und Hertogen Albrechte und Hertogen Magnus, eren Sōnes, und de Leenware der vorbenomeden Herfchop des Hufes der Statt und des Landes vorbenōmet schal erffliken by dem vorbenomten Hertogen to Meclenborg unde eren rechten Erven unde Nakomelingen to ewigen Tyden, unde anders by nemande wesen und blyven, und Potlest beyde Hus und Statt schall der vorbenōnten König Albrechtes und Hertogen Johannes, Hertogen Albrechts und Hertogen Magnus erer Sōnes vorbenōmt und all erer Erven und Nakōmelingē open Schlot wesen und blyven ewiglichen to allen eren Nūden und Stoeden jegen allesweme. Alle dōsse Stücke unde alle andere Stücke, de unse vorbenomte Herr Jasper vor Sik und vor sine Erven in sine Breve dem vorbenomten Konige Albrechte und Hertogen Johanne, Hertogen Albrecht und Hertogen Magnus, eren Sōnes vorbenomet, und eren Erven gelovet hefft stede und vast gantz und untobroken to holdende to ewigen Tyden, sunder jennigerley Hülperede edder Argelift, love wi vor unsen vorbenomten hern Jaspas und vor alle sine Erven unde Nakomelingē und mitt Em vor uns alle, de en Raetmanne unde Meenheit der vorbenomden Statt to Potlest sint, und ok vor alle unse Nakomelingē, by truwen und by Ehren den vorbenomten Konig Albrechte und Hertogen Johanne, Hertogen Albrechte und Hertogen Magnus, eren Sōnes vorbenōmet, und all eren Erven und Nakomelingen in dessen Breve de geven is to Zwerin na Godes bort Verteinhundert Jahr an dem negenden Jahr darna an Sunte, Johannes Evangelisten Dage in dem Wynachten under der vorbenomenden Statt Inghesegelen to Potlest, dat wy to tuge alle deffer vorschrevenen Dingh ghehenget hebben an dessen Breff.

Nach Spener S. 473.